

## Universitätsbibliothek Paderborn

### **De Vetere Clerico, Monacho, Clerico-Monacho, Libri Tres**

Primus veterem habitum: Secundus conuictum ac disciplinam: Tertius honores ac priuilegia describit

De Clerici, Monachi Vetere Institvto. Liber Primvs - Distinctus in tres Partes. In quibus, praeter veterem eorum habitu[m], multa quoque inserta de veste veterum laicorum. Breuiterq[ue] explicata singulorum origo, & antiquitas.

**Landmeter, Laurentius**

**Lovanii, 1626**

Cap. I. De nomine Clerici, & quid distet inter Clericum & Canonicum.

**urn:nbn:de:hbz:466:1-11007**

# PARTIS PRIMAE

## CAPUT PRIMUM.

*De nomine Clerici, & quid distet inter Clericum & Canonicum.*

LERICI à sorte dicti.  
Κλῆρος enim Græcè, Latine sors est. Vel quia illi in sortem Domini adsumpti sunt: vel quia Dominus sors illorum est. Præfigurati nimirum in Leuitis veteris Testamenti, de quibus constituit Moyses, Non habebunt Sacerdotes & Leuitæ partem & hereditatem cum Israël, Dominus enim ipse est hereditas eorum. Proinde sicut Leuitæ ministerijs altaris addicebantur: ita ( inquit Isidorus) qui in Ecclesiastici ministerij gradibus ordinati sunt, generaliter Clerici nominantur. Porro qui Clerici, ijdem plerique vocati Canonici, ob Canonicam siue regularem vitam. Ita insinuat Carolus

A 3      Magnus

Deut. 18

1. de Ecl. offic.

## 6 DE VETERE CLERICORVM

Anno

1547.

Mola de

Canon. I.

1.5.6.

Magnus in constitutionibus æditis Basileæ, ut refert Molanus, *Qui, (inquit) ad Clericatum accedunt, quod nos nominamus canoniam vitam, volumus ut illi canonici secundum suam regulam viuant.*

Dixi tamen (plerique) Quia, ut scripsit VVazo in Epistola ad Ioan. n.º Prep. tom. 1. de Episcopis Leodiens. *Omnis Canonicus Clericus, sed non conuertitur. Hoc enim distat inter Clericum & Canonicum, quod nō Clerico sed Canonicō debetur claustrū. Illi igitur soli more veteri dicti Canonici, qui sub obedientiâ Episcoporum aut Præpositorum suorum in communi viuebant. Cum his è diametro pugnabant, quos Isidorus (& ex eo Concil. Mogunt. sub Carolo Magno, & Aquigranense sub Ludouico Pio) vocat Clericos Acephalos, qui quem sequantur ignorant; quos neque inter Laicos sæcularium officiorum studia: neque inter Clericos religio retentat diuina. Hippocentauris similes, nec equi nec homines, mixtumq; genus (ut ait Poëta) prolesq; biformis. Ita ibi. Sed de his ac alijs Clericorum nominibus ac Epithetis fusiùs infrà, tū hoc libro, tū seq.*

CAPUT